

四庫全書

子部

欽定四庫全書

子部

欽定授時通考卷七至九

詳校官中書臣寶汝翼

編修臣倉聖脈覆勘

總校官編修臣王燕緒

校對官編修臣周厚轅

謄錄監生臣江朝黼

欽定四庫全書

欽定授時通考卷七

土宜

彙考

易泰卦輔相天地之宜以左右民

疏天地之宜者謂天地所生之物各有其宜若大司徒云其動物植物及職方云揚州其貢宜稻麥雍州其貢宜黍稷人君輔助天地所宜之物使各安其性

得其宜也宜者據物言之程傳天地通泰則萬物茂
遂人君體之而為法制使民用天時因地利輔助化
育之功成其豐美之利也折中蔡氏淵曰春生秋殺
此時運之自然高黍下稻亦地勢之所宜聖人則輔
相之使當春而耕當秋而斂高者種黍下者種稻此
輔相天地之宜也

又繫辭觀鳥獸之文與地之宜

疏地之宜者若周禮五土動物植物各有所宜是也

春秋左傳先王疆理天下物土之宜而布其利

集解疆界也理正也物土之宜播殖之物各從土宜

禮記王制自恒山至於南河千里而近冀州域自南河至

於江千里而近豫州域自江至於衡山千里而遙荊州域自

東河至於東海千里而遙徐州域自東河至於西河千里

而近冀州域自西河至於流沙千里而遙雍州域西不盡流

沙南不盡衡山東不盡東海北不盡恒山凡四海之內

斷長補短方三千里為田八十萬億一萬億畝方百里

者為田九十億畝山陵林麓川澤溝瀆城郭宮室塗巷
三分去一其餘六十億畝

又月令善相丘陵阪險原隰土地所宜五穀所殖
集說土地有高下五種有宜否

又禮運聖王所以順山者不使居川不使渚者居中原
而弗敝也

註鄭氏曰山者利其禽獸渚者利其魚鹽中原利其
五穀使各安其居不易其利

周禮地官大司徒以天下土地之圖周知九州之地域
廣輪之數辨其山林川澤丘陵墳衍原隰之名物

註周猶徧也九州揚荊豫青兗雍幽冀并也輪從也
積石曰山竹木曰林注瀆曰川水鍾曰澤土高曰丘
大阜曰陵水崖曰墳下平曰衍高平曰原下濕曰隰
名物者十等之名與所生之物疏釋曰馬融云東西
為廣南北為輪案王制南北兩近一遙東西兩遙一
近是南北長東西短謂知此數也又辨其山林川澤

以下十等形狀名號及所出之物也九州揚荊以下
據職方周之九州而言故有幽并無徐梁禹貢據夏
以前九州故有徐梁無幽并也積石曰山者案詩云
節彼南山維石巖巖巖巖積石貌鄭據此而言按爾
雅山丘別釋則丘是純土其山皆石亦有兼土者故
曰石戴土謂之崔嵬又周語云夫山土之聚是其山
有土也竹木曰林者謂生平地注瀆曰川者按釋水
云注川曰谿注谿曰谷注谷曰溝注溝曰澮注澮曰

瀆彼注云皆以小注大此云注瀆曰川者爾雅無此
言鄭以義增之耳此瀆與四瀆義異四瀆則亦川故
職方云其川三江其川江漢也水鍾曰澤者周語虞
太子晉之言也土高曰丘者爾雅山丘別釋則丘無
石者也大阜曰陵者按爾雅釋地云高平曰陸大陸
曰阜大阜曰陵大陵曰阿可食者曰原是陵與丘高下
異稱皆無石者也其有石者亦曰陵故左氏僖三十
二年云殽有二陵是有石者也水崖曰墳者按爾雅

云重崖岸墳大防是墳為崖岸之峻者故詩云遵彼
汝墳是汝水之大防亦是水崖曰墳也下平曰衍者
墳既水崖而高明行為下平此下平又與下濕曰隰
者別也高平曰原者按爾雅云高平曰原廣平曰陸
此對下濕曰隰而言其實高平即廣平者也下濕曰
隰者爾雅釋地文

又以土宜之灋辨十有二土之名物以相民宅而知其
利害以阜人民以毓草木以任土事辨十有二壤之物

而知其種以教稼穡樹藝

註十二土分野十二邦上繫十二次各有所宜也相
占視也阜猶盛也毓生也任謂就地所生因民所能
壤亦土也以萬物自生焉則言土以人所耕而樹藝
焉則言壤壤和緩之貌藝猶蒔也疏辨十二壤之物
者分別物之所生而知其所殖之種遂即以教民春
稼秋穡以樹其木以藝其黍稷也王氏曰名所以命
其土則丘陵墳衍原隰之屬物所以色其土則青黎

赤埴黑墳之屬鄭鍔曰壤所以種藝然穀之種於此壤則有宜有不宜如糞之白壤充之黑墳青之白墳徐之赤埴揚荆之塗泥豫之墳壚梁之青黎雍之黃壤則有宜稻者宜麥者宜五種者宜三種者不知其所宜何以教民稼穡周官辨之以土宜之法既別其名又別其物所以有土壤之殊也

又地官土訓掌道地圖以詔地事道地慝以辨地物而原其生以詔地求

註道說也說地圖九州形勢山川所宜若云荆揚地
宜稻幽并地宜麻地慝若瘴蟲然也辨其物者別其
所有所無原其生生有時也

孝經分地之利

朱子孝經刊誤
本分改作因

註分別五土視其高下各盡所宜此分地利也疏五
土周禮大司徒山陵川澤丘陵墳衍原隰也謂庶人
須能分別視此五土之高下隨所宜而播種之職方
氏所謂青州其穀宜稻梁雍州其穀宜黍稷之類是

也劉炫云黍稷生於陸菰稻生於水又小學註陳氏
選曰高卑燥濕生植農桑者地之利也辨地之宜而
稌黍菽麥各遂其性則所入有餘矣

管子地者政之本也地之不可食者百而當一命之曰
地均

註政從地生土地就中論不可食者而除之紀其可
食之實

又辨於地利而民可富

吳越春秋稷為兒時好種樹禾黍桑麻五穀相五土之

宜青赤黃黑陵

陸地也

水高下染稷黍禾藁麥豆稻各得

其理

淮南子后稷墾草發菑糞土樹穀使五種各得其宜因地之勢也

通鑑外紀黃帝畫野分州以分星次經地設井以塞爭端立步制畝以防不足

大學衍義補丘氏濬曰臣按人君之治莫先于養民而

民之所以得其養者在稼穡樹藝而已稼穡樹藝地土各有所宜故禹平水土別九州必辨其土之資與色以定其田之等第因其宜以興地利制其等以定賦法不貴有於無不取多於少無非以為民而已

又臣按地土高下燥濕不同而同於生物生物之性雖同而所生之物則有宜不宜焉土性雖有宜不宜人力亦有至不至人力之至亦或可以勝天況地乎宋太宗詔江南之民種諸穀江北之民種秔稻真宗取占城稻

種散諸民間是亦裁成輔相以左右民之一事今世江南之民皆雜蒔諸穀江北民亦皆種秔稻昔之秔稻惟秋一收今又有早禾焉二帝之功及民遠矣後之有志於勤民者宜倣宋主此意通行南北俾民兼種諸穀有司以其勸相之數為考課焉

農桑通訣封畛之別地勢遼絕其間物產所宜者往往而異蓋風行地上各有方位土性所宜因隨氣化所以遠近彼此之間風土各有別也孟子謂后稷教民稼穡

欽定四庫全書

欽定四庫全書
卷七

樹藝五穀謂之教民意者不止教以耕耘播種而已其亦因九州之別土性之異視其土宜而教之歟今按禹貢所載九州田土各有差田各有等山川阻隔風氣不同凡物之種各有所宜故宜於冀兗者不可以青徐論宜於荆揚者不可以雍豫擬此聖人所謂分地之利者也周禮保章氏掌天星以星土辨九州之地淮南子分別五方星野其土產名物各有證驗此天地覆載一定古今不可易者蓋其土地之廣不外乎是但所屬邊

裔不無遼絕若能自內而外求由近而及遠則土產之物皆可推而知之矣大抵風土之說總而言之則方域之多大有不同詳而言之雖一州之域一縣一里之間亦有幾種之分似無多異周禮大司徒以土會之法辨五地之物生辨十有二壤之物而知其種以教稼穡樹藝草人掌土化之物以物土相其宜以為之種若今之善農者審方域田壤之異以分其類參土化土會之法以辨其種如此可不失種土之宜而能盡稼穡之利矣

農政全書五地十二壤周官舊法此可通變用之者也
若謂土地所宜一定不易此則必無之理立論若斯固
後世情竅之吏游閒之民媮不事事者之口實耳古來
蔬果如頗稜安石榴海棠蒜之屬自外國來者多矣今
薑芋薺之類移栽北方其種特盛亦向時所謂土地不
宜者也凡地方所無或是昔無此種或有之而偶絕果
若盡力樹藝殆無不可宜者就令不宜或是天時未合
人力未至耳試為之無事空言抵捍也第其中亦有不

宜者則是寒暖相違天氣所絕無關於地若荔枝龍眼
不能踰嶺橘柚橙柑不能過淮他若蘭茉莉之類亦千
百中之一二吾意欲于農書中載南北緯度如云某地
北極出地若干度令知寒暖之宜以辨土物以興樹藝
庶為得之

欽定授時通考卷七

欽定四庫全書

欽定授時通考卷八

土宜

方輿圖說

方輿總圖說

直隸圖說

盛京圖說

江南圖說

江西圖說

浙江圖說

福建圖說

湖北圖說

湖南圖說

河南圖說

山東圖說

山西圖說

西安圖說

甘肅圖說

四川圖說


廣東圖說


廣西圖說

雲南圖說

貴州圖說

方輿總圖






文獻通考昔堯時禹別九州至舜分為十二州周職方復分為九州而又與禹異漢承秦分天下為郡國而復以十三州統之晉時分州為十九自晉以後為州窠多所統窠狹且建治之地亦不一所南北分裂之後務為夸大僞置諸州離析磔裂循名失實而禹跡之九州窠不復可考矣夾漈鄭氏曰州縣之設有時而更山川之形千古不易故禹貢分州必以山川定疆界使兗州可移而濟河之兗州不可移梁州可遷而華陽黑水之梁

州不可遷故禹貢為萬世不易之書後之作史者主於
郡縣故州縣移易其書遂廢矣善哉言也

直隸全圖






分野考順天府古幽州尾箕分野永平府古幽州尾分
野保定府古幽州尾箕分野易州古幽州尾箕分野河
間府古幽州尾箕分野天津府古幽州尾箕分野正定
府古冀州昂畢分野冀州古冀州昂畢分野趙州古冀
州昂畢分野深州古冀州昂畢分野定州古冀州昂畢
分野順德府古冀州昂分野廣平府古冀州昂分野大
名府古冀兗二州室壁分野宣化府古幽州

一統志地勢寬厚關塞險固總握中原之夷曠者莫過

燕薊雖云長安有崤函之固洛邑為天下之中要之帝王都會億萬年悠久之業莫燕薊若矣

又水有九河滄溟之雄山有太行居庸之固玉泉之流經緯乎禁籞之中碣石之壯盤踞乎畿甸之內故其風氣之清淑山川之壯觀誠有以卓冠四方為萬國之都會

盛京全圖



分野考奉天府古冀青二州箕尾分野錦州府古冀青二州箕尾分野

一統志滄海朝宗白山拱峙渾河遼水遶帶西南黑水混同襟環東北控制諸邦跨馭六合允


帝業之根本洵留守之雄都也


又西接畿輔東控朝鮮瀕瀛海以帶龍江俯登萊而通朔漠此其大勢然也司民牧者兩郡攸分統軍政者三鎮是賴既星羅以碁布因畫井以分疆念

王業之所基苞桑培及于萬世知邊防之為重屏翰永拱
于

神京矣

江南全省圖






分野考江寧府古揚州斗分野蘇州府古揚州斗分野
太倉州古揚州斗分野松江府古揚州斗分野常州府
古揚州斗分野鎮江府古揚州斗分野淮安府古揚州
斗分野海州古徐州奎婁分野揚州府古揚州斗分野
通州古揚州斗分野徐州府古豫州房心分野安慶府
古揚州斗分野徽州府古揚州斗分野寧國府古揚州
斗分野池州府古揚州斗分野太平府古揚州斗分野
廬州府古揚州斗分野六安州古揚州斗分野鳳陽府

古揚州斗分野泗州古徐州斗分野潁州府古豫州房
心分野和州古揚州斗分野滁州古揚州斗分野廣德
州古揚州斗分野


江南通志鍾茅八公天柱九華黃塗潛霍山之作鎮而
著名者不可勝數黃河江淮運河三江四海潁睢淝滁
水之經行而浸行者不可勝數數則震澤巢湖洮湖關
則東關清流二峴名都雄鎮襟帶江淮

江西全省圖




分野考南昌府古揚州斗分野饒州府古揚州斗分野
廣信府古揚州斗分野南康府古揚州斗分野九江府
古揚州斗牛分野建昌府古揚州斗分野撫州府古揚
州斗分野臨江府古揚州斗分野吉安府古荆揚二州
斗分野瑞州府古揚州斗分野袁州府古揚州斗分野
贛州府古揚州斗分野南安府古揚州斗分野

一統志東接閩浙西連荆蜀北踰淮汴以達于京師據
嶺海之全斥交廣之境提封數千里此江右之大較也




浙江全省圖




分野考杭州府古揚州斗分野嘉興府古揚州斗分野
湖州府古揚州斗牛分野寧波府古揚州牛女分野紹
興府古揚州牛女分野台州府古揚州牛女分野金華
府古揚州牛女分野衢州府古揚州牛女分野嚴州府
古揚州牛女分野溫州府古揚州斗牛女分野處州府
古揚州斗分野

一統志崇山巨嶺所在限隔然嘉湖二郡實與江淮相
表裏嚴衢二郡實與徽饒為鄰郊左接信都右連閩關



福建全省圖




大海東蟠繞出淮揚之域四通八達之區也

又山川秀發風土清佳民人視為樂郊遊客引為福地
東晉以后風流掩映粵自有宋建都臨安景物之嘉甲
於南服士大夫類能形諸歌咏蓋越中之風致至是而
極盛矣

分野考福州府古揚州牛女分野泉州府古揚州牛女
分野建寧府古揚州牛女分野延平府古揚州牛女分
野汀州府古揚州牛女分野興化府古揚州牛女分野
邵武府古揚州牛女分野漳州府古揚州牛女分野福
寧府古揚州牛女分野永春州古揚州牛女分野龍巖
州古揚州牛女分野臺灣府古海外地牛女分野

福建通志閩地幅輳廣輪之數計四千餘里控豫引閩
互為唇齒福泉四郡則襟帶大海長溪汀邵諸處綿亘

湖北省圖




崇岡建劍則溪灘互相環抱實為兩浙之鎖鑰區分障
扼繡錯綺分以云形勢可謂備矣

分野考武昌府古荊州翼軫分野漢陽府古荊州翼軫
分野安陸府古荊州翼軫分野襄陽府古荊州翼軫
軫分野勛陽府古荊州翼軫二州翼軫分野德安府古荊州
翼軫分野黃州府古荊州翼軫分野荊州府古荊州翼
軫分野宜昌府古荊州翼軫分野施南府古荊州梁二州
翼分野

一統志荆于九州之土最稱閩衍迴絡衡貫神禹之跡
遍焉


金史紀事本末

卷八




分野考長沙府古荊州翼軫分野岳州府古荊州翼軫
分野澧州古荊州翼軫分野寶慶府古荊州翼軫分野
衡州府古荊州翼軫分野桂陽州古荊州翼軫分野常
德府古荊州翼軫分野辰州府古荊州翼軫分野沅州
府古荊州翼軫分野永州府古荊州翼軫分野靖州古
荊州軫分野郴州古荊州翼軫分野永順府古荊州翼
軫分野

廣輿記湖廣大江中貫五溪外錯衡岳為鎮洞庭雲夢




河南全省圖




為池此形勢之大槩也辰沅南蔽滇黔郴永上連兩粵
地之四通五達莫楚若矣

分野考開封府古兗豫二州角亢分野陳州府古兗豫
二州角亢分野許州府古兗豫二州角亢分野歸德府
古兗豫二州角亢分野彰德府古冀州室壁分野衛輝
府古冀州室壁分野懷慶府古冀州覃懷地室壁分野
河南府古豫州柳分野陝州古豫州柳分野南陽府古
豫州張分野汝寧府古豫州角亢氏分野光州古豫州
角亢氏分野汝州古豫州張分野

一統志東連淮魯西接秦晉南絡荆襄北拱燕趙伊洛




山東全省圖




蟠乎地府河南比乎秦關 大河蜿蜒嵩高聳峙鎖天
之中區控地之四鄙 居南北要衛綿亘數千餘里實
為九州咽喉

分野考濟南府古青州危分野泰安府古青州危分野
武定府古青州危分野兗州府古徐兗二州奎婁分野
沂州府古徐兗二州奎婁分野曹州府古徐兗二州奎
婁分野東昌府古兗州危室分野青州府古青州虛危
分野登州府古青州危分野萊州府古青州危分野安
東衛古徐州奎婁分野

山東通志南連清濟北接滄瀛右控平原左環渤海所
以屏藩畿甸權衡南北也 襟帶齊河控援魏博舟車




山西全省圖



四達迄為要津

分野考太原府古冀州參井分野平定州古冀州參井
分野忻州古冀州參井分野代州古冀州參井分野保
德州古冀州參井分野平陽府古冀州觜參分野蒲州
府古冀州觜參分野解州古冀州觜參分野絳州古冀
州觜參分野吉州古冀州觜參分野隰州古冀州觜參
分野潞安府古冀州參井分野汾州府古冀州參分野
沁州古冀州參分野澤州府古冀州觜參分野遼州古
冀州參井分野大同府古冀州昴畢分野寧武府古冀

西安省圖




州昂畢分野朔平府古冀昂畢分野


一統志左有恒山之險右有大河之固襟四塞之要
衝控五原之都邑土瘠民貧勤儉朴質憂深思遠有
堯之遺風人物殷阜不甚機巧然頗勁悍習於戎馬
前代以來亦多文雅之士

分野考西安府古雍州井鬼分野商州古雍州井鬼分
野同州府古雍州井鬼分野乾州古雍州井鬼分野邠
州古雍州井鬼分野鳳翔府古雍州井鬼分野漢中府
古雍梁二州井鬼翼軫分野興安州古雍梁二州井鬼
翼軫分野延安府古雍州井鬼分野鄜州古雍州井鬼
分野綏德府古雍州井鬼分野榆林府古戎狄地

一統志關中形勝西自崑崙發脉落于三輔長河自西
北而南華嶽自西而東會于潼關關鎖之密天下莫並





甘肅省圖





分野考蘭州府古雍州西羌地平涼府古雍州井鬼分
野鞏昌府古雍州井鬼分野階州古雍梁二州井鬼翼
軫分野秦州古雍州井鬼分野臨洮府古雍州井鬼分
野慶陽府古雍州井鬼分野寧夏府古雍州井鬼分野
西寧府古雍州井鬼分野涼州府古雍州井鬼分野甘
州府古雍州井鬼分野肅州古雍州井鬼分野安西古
雍州西羌地靖逆衛古雍州西羌地洮州衛古雍州井
鬼分野





廣輿記慶陽平涼近邊臨洮鞏昌鄰接羌番洮岷西寧
地入西羌甘涼以西暨肅州籍為內地藩蔽猶榆林之
蔽延安花馬池之蔽慶陽固原之蔽平涼莊浪之蔽臨
洮岷文之蔽鞏昌焉爾

分野考成都府古梁州井鬼分野資州古梁州井鬼分
野綿州古梁州井鬼分野茂州古梁州井鬼分野寧遠
府古梁州井鬼分野保寧府古梁州井鬼分野順慶府
古梁州參井分野叙州府古梁州井鬼分野重慶府古
梁州井鬼分野酉陽州古梁州井鬼分野忠州古梁州
井鬼分野夔州府古荆梁二州翼軫分野達州古荆梁
二州翼軫分州龍安府古梁州井鬼分野潼川府古梁
州井鬼分野眉州古梁州井鬼分野嘉定府古梁州井


四川全省圖

欽定陵時通考

三三



廣東全省圖




鬼分野卽州古梁州井鬼分野瀘州古梁州井鬼分野
雅州府古梁州井鬼分野越雋衛古梁州井鬼分野


一統志褒斜為前門熊耳為后戶緣以劍閣阻以石門
東連荆楚北接秦隴南撫蠻部西控吐蕃屹然天府也

分野考廣州府古揚州南境牛女分野連州古揚州牛
女分野韶州府古揚州牛女分野南雄府古揚州牛女
分野惠州府古揚州牛女分野潮州府古揚州牛女分
野嘉應州古揚州牛女分野肇慶府古揚州南境牛女
分野高州府古南越地牛女分野廉州府古南越地翼
軫分野雷州府古百粵地牛女分野瓊州府古百粵地
牛女分野羅定州古揚州南境牛女分野

一統志大庾聳其巔漲海浸其趾羅浮為其鎮諸山羅



廣西全省圖




列若兒孫焉諸水環繞若襟帶焉洋洋乎南天之巨鎮也

分野考桂林府古荊州翼軫分野柳州府古百粵地翼軫分野慶遠府古百粵地翼軫分野思恩府古百粵地泗城府古百粵地西隆州古蠻夷地平樂府古荊州翼軫分野梧州府古荊州牛女分野鬱林州古百粵地翼軫分野潯州府古百粵地翼軫分野南寧府古揚州西南境翼軫分野太平府古南粵地思明府古百粵地鎮安府古百粵地

廣西通志東錯廣東西際滇黔南界交趾北連永寶幅




雲南全省圖




幘之廣輪延袤數千里萬山戟立三江帶盤允為中土
之屏障

分野考雲南府古梁州井鬼分野大理府古梁州井鬼
分野臨安府古梁州井鬼分野楚雄府古梁州井鬼分
野澂江府古梁州井鬼分野景東府古柘南地廣南府
宋名特磨道廣西府古梁州界順寧府本蒲蠻之地曲
靖府古梁州井鬼分野姚安府本滇國地鶴慶府東漢
屬永昌郡武定府古梁州井鬼分野麗江府古梁州井
鬼分野元江府古西南夷極邊之地普洱府古西南夷
極邊地蒙化府漢為益州郡地永昌府古梁州西南徼



貴州全省圖



外之地古哀牢國永北府古白國地開化府漢為句町
國邊地東川軍民府古梁州參分野威遠府唐南詔銀
生府之地鎮沅府古西南極邊昭通府古西南極邊地
一統志中國地勢起西北會東南獨滇居西南凡大江
南之山多由滇派分論形勢有登高而呼之槩焉

分野考貴陽府古荆梁二州南境參井分野思州府古黔中地思南府古荆州荒裔鎮遠府古荆州南境石阡府古荆州南裔銅仁府古荆州南裔星分野黎平府古荆州荒裔翼軫之餘分野安順府古荒服地南龍府古梁州井鬼分野都勻府古西南夷地平越府古荆揚南境大定府古羅甸鬼國遵義府古梁州井鬼分野

一統志居天下之西南東阻五溪西控六詔南連百粵北踞三巴上則盤江旋繞下則澧溪順流路繞羊腸

關雄虎踞

欽定四庫全書

欽定四庫全書
卷八

欽定授時通考卷八